

جریدہ اسلامیہ

مشیتِ جاویدہ اسلامیہ نکِ جریدہ رسیہ سید

شعبان المعظم ۱۳۳۴ [*]

عدو: ۲۶

آیدہ بر نشر اول نور

اوجہ خبی سہ

حقنده مدار غير ظاهر ويمين استظهارك شكل وصورتي مجله نك ١٧٤٦ ماده سنك فقره اولاسنه غير موافق بولنش ومبالغ مدعا بها ايله اوج رأس قيون واوج رأس كچیدن حصه سيله آنجق موكله مزبوره الزام ايدلك ايجاب ايدر ايكن مبلغك تركه دن اداسنه ومذكور قيون وكچيلر حقنده مدعينك منع معارضه سنه بروجه محرر توقيع قلنان حكم غير صحيح ومدعى مرقوم صغيره لرك جدلري وولى مجبرلري اولدينى حالده صغيرتان مزبور تانه باجحت آخر بروصى نصابه تصدى ايدلمسى مغاير اصول اولديقندن سبكي مختل ومحتوياتي تشويش واعوجاجدن غير خالى ايدوكي

.*

سند قلى قضاسى محكمه شرعيه سندن اعطا اولنان ١٥ رمضان سنه ٣٣٤ تاريخلى طهرية اعلامك سبب نقضى :

ايجاب سابقده كوستريلان قیده نظراً يکیدن محاکمه اجراسى لزومى مجلس تدقيقات شرعيه دن بروجه بالا تحشيه اولندينى حالده تشكيل طرفين ايدلمكسزين آنجق مدعى مزبورك افاده سنه عطفاً معامله اجراسى مخالف اصول وحادثه حقنده ازسرنو محاکمه اجراسيله آبريجه بروثيقه شرعيه به ربطى مقتضى بولنش اولمغله اولوجهله ايفاي مقتضاسى ضمتده محله اعاده اولدى .

مجلس تدقيقات شرعيه مقرراتى

ترکه نك بيعندن صوكره زياده به طالب ظهورى حقنده [*]

ترکه دن اصولى دائره سنده بيع ايديلن اشيايه اخيراً طالب ظهورى تمام اولان عقده مؤثر اوليه جنى تذکر ايدلدى .

[*] بو بابده قرقي آغاج قاضيلكنك تخريراتى صورتى :

احوال حاضره دولاييسيله تركانك پشين آنچه ايله ساتلسى ممكن اوله مدینى تقدیرده نسيئة بيى وبعده بروجه نظام مشترى به باجحت شرعيه ادانه ايدلمسى اولبابده كى تبليغات فتوا بناهيلرى مقتضاسندن ايسه ده نمن مبيع مشترى به اصولى دائره سنده ادانه اولندينى تقدیرده دها زياده به اشترايه طالب بولندينى تحقق ايتديكنده اولنه جق معامله نك عرض واستيدانه اجتناسار قلندى اولبابده

رهنگ بیی حقنده

راهنگ ورته سی میاننده غائب بولنسی رهنگ بیعی تأخیر ایدمه جه جکندن متوفانك اموال منقوله سی ائمانندن استیفای مطلوب ممکن اولمدينی صورتده رهنگ بیع و فروختیه استیفای دین ایدلسی خصوصنك جواباً اشعار بیورلسی تذکر ایدلدی



رأساً تابع تمیز اولان اعلاماتك تمغا قانوننامه سنه توفیقاً الصافی لازم كلن پول خصوصنده استئنا تشكیل ایدمه جه جكنك جواباً اشعارى تذکر ایدلدی



وصیتردن آله حق خرج حقنده (*)

بحث اولنان نظامنامه نك ۳۹ نجی ماده سی موجبجه معیناتك تنزیلندن صكره غیر معیناتدن انحق غروشدہ بر پاره اخذ ایدله جكنك جواباً امر و اشعار بیورلسی



غائب و ایتم اموالك عیناً حفظی و یا نقده تحویلی حقنده

غائبه عائد ققود و اموالك اموال ایتم اداره سنجه عیناً حفظی و زینت التونلریله مجوهرات موروثه نك بیی حالنده حال حاضر مناسبتیه قیمت حقیقه لرینی بوله میهرق ایتم حقنده ضرر و قوعی قریباً ملحوظ اولمقدن ناشی انلك دخی اداره مذکورده جه شمدیلک امانت اوله رق عیناً حفظی و ماعدا اموال و اشیادن متوفاه مومی الیها ترکه سندن بولسانلریله غائب مومی الیه عائد اولانلردن عیناً ابقاسنده ضرری مؤدی اوله جفی اكلاشیلانلك اصولی وجهله بالمزایده بیعی مناسب اوله جفندن اولوجهله جواب تسطیر بیورلسی باینده

(*) بو بابده قونیه ولایتی مرکز قاضیلکنك ۶ شوال ۱۳۳۴ تاریخلی تحریراتی خلاصه سی :

محاکم شرعیه خرج نظامنامه سنك اوتوز طقوزنجی ماده سنك فقره اخیره سنده « وصی بولنان کیمسه نك ترکه دن لاجل التنفيذ مأخوذی اولان نلندن معیناتی بالتزیل باقیسندن غروشدہ بر پاره و مجموعی معینات اولورسه یا لکز قرق غروش خرج آله جقدر، دیو محرر ایسه ده وصیت حقنده معینات و غیر معیناتی محتوی اولان اعلامات شرعیه دن معیناتی تنزیل اولنوب غیر معیندن غروشدہ بر پاره خرج التقدن صكره مذکور معیناتدن ده قرق غروش خرج النوب آلمیه جفنده تردد حاصل اولدیغندن اوله حق معامله نك امر و اشعارى باینده